



Sarajevo, 15.6.2021.

**PREDSTAVNIČKI DOM
PARLAMENTARNE SKUPŠTINE
BOSNE I HERCEGOVINE**
n/r predsjedavajuće

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 15. 6. 2021.

Organizaciona jedinica	Klasifikaciona oznaka	Redni broj	Broj priloga
01-	50-1-	15-	22/21

U skladu s članom 166. i 170. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“ br. 79/14, 81/15 i 97/15, 78/19, 26/20) postavljam sljedeće

POSLANIČKO PITANJE

1. Da li ste upoznati sa nezakonitim radnjama i dešavanjima u Općinskom sudu Bugojno i šta planirate poduzeti prema istom?

Pitanje postavljam predsjedniku VSTV-a BiH. U prilogu dostavljam obrazloženje.

Odgovor tražim u pisanoj formi, u skladu s članom 171. Poslovnika Predstavničkog doma Parlamentarne skupštine BiH.

Poslanik SDP BiH
Zukan Helez

Dešavanja u Općinskom sudu Bugojnu su sljedeća:

Viši referent za vođenje prekršajnih sankcija je osumnjičena da je prisvojila novac od sudskih taksi i istraga se vodi kod Kantonalnog tužilaštva Travnik. Naime, uposlenica ovog suda je pozivala osobe koje su po sudskim rješenjima ili prekršajnim nalogima bili dužni uplatiti sudsku taksu ili kaznu, umanjivala im taj iznos, navodila ih da njoj lično donesu taj novac, te kada bi isti donesi novac ista ih je brisala iz evidencije. Dakle novac nije uplaćivan putem transakcijskih računa i na račun budžeta kako je to moralo ići, već je isti u gotovini uzimala ova uposlenica.

Prema mojim saznanjima, predsjednica Općinskog suda u Bugojnu, Randžana Hadžibegović Haračić je za ova dešavanja saznala neposredno pred imenovanje predsjednika Općinskog suda u Bugojnu, te obzirom da je ona bila kandidat za predsjednika, prije imenovanja, u sedmici prije imenovanja je uposlenicu koja je nezakonito naplaćivala sudske takse ili kazne uputila na bolovanje, nakon što je Randžana Hadžibegović – Haračić opet imenovana za predsjednicu Općinskog suda u Bugojnu, ova uposlenica se vratila sa bolovanja i zvanično je suspendovana s posla.

Nakon toga, tačnije nakon suspenzije, predsjednica Općinskog suda u Bugojnu ovoj uposlenici ovjerava dokumentaciju na osnovu koje ista može ostvariti kredit kod komercijalnih banaka iako to nije smjela uraditi jer je ista tada, a i danas, suspendovana zbog krivičnog postupka koji se vodi protiv nje.

Dakle upitno je postupanje predsjednice Općinskog suda u Bugojnu, Randžane Hadžibegović Haračić, posebno je upitno njeno imenovanje na poziciju predsjednika suda jer je prilikom imenovanja svjesno prekrila ove činjenice, a posebno se postavlja pitanje, imajući u vidu da je uposlenica suda na ovaj način prisvajala novac unazad 8 godina, kako do marta 2021. godine niko nije uvidio njena postupanja. Na ovaj način građani općine Bugojno su oštećeni na način da se sada pojavljuju problemi kod mnogih ljudi koji su odnijeli novac u sud, „platili kaznu“ i sada nakon što se otkrilo šta se dešavalo u Općinskom sudu Bugojno, te kazne su im ponovo vraćene, odnosno moraju ih ponovo plaćati.

Pored naprijed navedenog, a prema informacijama s kojima raspolazem, predsjednica Općinskog suda u Bugojnu, Randžana Hadžibegović – Haračić je zaposlila muža od osobe koja joj povremeno pomaže u kućnim poslovima, Mujić Almira i na mjesto pripravnika zaposlila njenu kćerku Mujić Eminu, te je u pisarnu suda zaposlila osobu Indira Osmanagić, sestru od svoje najbolje prijateljice Seferović Aida.

Dakle, tražim da se preispita odluka o imenovanju predsjednice Općinskog suda u Bugojnu, Randžane Hadžibegović – Haračić iz svih naprijed iznijetih razloga, a posebno imajući u vidu da ista snosi objektivnu odgovornost za postupanje višeg referenta Žakline Mešić protiv koje se vodi istraga zbog krivičnog djela zloupotreba položaja, te kao predsjednica suda je trebala i morala znati šta joj uposlenici rade, a ne dopustiti više godišnju prevaru građana i omogućiti uposlenici suda na ovakav način prisvajanje novca. Također, osnovanost za preispitivanje odluke o imenovanju iste na poziciju predsjednice Općinskog suda u Bugojnu proizilazi iz činjenice da ista svjesno prikrila činjenice VSTV prilikom imenovanja, a koje se odnose na ovu aferu, odnosno na postupanja višeg referenta Žakline Mešić, a sve s namjerom ponovnog izbora na mjesto predsjednica suda.

Napominjem da je ova aferu bila tema pisanja medija dana 21.05.2021. godine.